

QVÆSTIO MEDICA

536

QVODLIBET ARIIS CONCERTATIONIBVS MANE DISCVTIENDA,

IN SCHOLIS MEDICORVM, DIE IOVIS SEPTIMA APRILIS, MAGISTRO

FRANCISCO LESPICIER, DOCTORE MEDICO, MODERATORE.

An febris balneum?



ONTRARIORVM eadem sæpe causa est, effectus idem. Ex caloribus cum frigore confociali connubio amica vitæ, haud perpetuò similibus retinenda nascitur sanitas; morbus ex dissidio, quibuscúmque machinis modò similium, modò contrariorum expugnandus: paribúque an imparibus? Omnibus ab intemperie morbus; vix sine hac vllus organicus: at calidæ frequentior, sæuior, curatu facilius nulla. Quæ citò inuadit, citò abit. Natiui caloris in igneum facilis conuersio in parte *φλόγῳ*, in toto febrem accendit: cuius tamen incendium nisi corpori perennem vitæ focum obfederit, ei constanter adhæserit, actiones naturales oblaeserit eo nomine non dignamur.



VI calor ille præter naturam insidet *αἰσθητὴν δὲ πῦρ*, ex eo tibi sunt repetendæ febrium species. Nam si spirituosæ substantiæ inhæreat, ephemeram; si humidæ, putridam in vasis minoribus intermittentem securam, in maioribus continuam periculo non carentem; si solidæ, soli & propriæ cuiuscúmque febris materiæ, hecticam *ἀδύνατον ἐν ἀνθρώπῳ*, rarò ab initio (in quo vix dignoscitur) oriundam producit. De quo soli naturæ facilis foret victoria, nisi nouas comes ascita siccitas; etiam medici conatum si in malum abeat eludens, vires adderet. Geminum malum frigidis humidis oppugnandum: hæc illis minùs actiua, magis tuta.



STA licet extinguendo febris incendio nonnunquam satisfiat: sæpe tamen intrò latitans mali fomes aliò medici diuertit operam. Hinc curationis scopus duplex, euacuandi, alterandi. In omni morbo *ἀλλοίωσις καὶ νοσῶντος* antecedit. A clystere omnis sit euacuationis exordium. Ex toto vacuant phlebotomia etiamnum inchoante morbo, & catharsis apparentibus præcipuè coctionis indicij celebranda. Frustra, laborante toto parti duntaxat vni præscribis remedia. Cordi, hepati, renibus ad motum in febribus sæculi, fetus, epithemata sæpe noxia. Semicupia vteri, sedis, vesicæ, coli, renum affectibus idonea; algenti ardentius *ἐλκυσθησά* inualida. In toto alterant intrus alimenta frigida, humida; potus è gelidâ: foris temperatum dulcis aquæ balneum: frigidum adolescentibus, calidum biliosis inimicum: Laconicum morbis naturisq; frigidis opportunum.



VI sponte scaturiunt sale, nitro, sulphure, alumine, bitumine, ferro, ære, cupro, auròque medicatæ naturales thermæ (quales apud Boios, Aruernos, Aquigranum & passim alibi) epilepsiæ, paralyti, palmo, hydropi, arthritidi, scabiei, antiquis vlceribus haud rarò proficere. Olim ex oleo paratæ balneæ neruorum stupori, tremori, conuulsioni; ex vino rubro, veteri & austero (nunc ex calcatis in labro vuis aut vinaceis) partibus roborandis: ex lacte emaciatis; ex huius sero exanthematis ac impetigini salutariferæ: ex humano sanguine ad lepram inutiles, impiæ. Satiùs *ὁδὸν φέβης* escharoticis, causticis citò tutòque liberare, quàm ad oceanum ter præcipitandos ablegare.



EPIDO potabilis ac scyneræ aquæ balneo in morbis præcauendis curandisq; vis longè maxima. Æstate tamen quàm hyeme, duris quàm corpulentis lauare magis expedit: coctis morbis non crudis, puro non impuro corpore: nec statim ante vel à cibo, potu, exercitio. In solio quiescendum, tacendum; aliquando purgandum. Quibus in morbis alius plus æquo fluit aut sistitur, his balneum non competit. At sitim sedare, irritare appetentiam, somnum conciliare, coquere, æstuantis algentisq; rescicere, quo vis modo exsiccata squalidæ corpora humectare, prauos ac biliosos succos euacuare, capitis grauitatem soluere, pleuritides ac peripneumonias mitigare, menses, vrinas, hæmorrhoidas prouocare, lassitudines tollere, cutim expurgare est animus? præstabit balneum; toto cuiusq; febris decursu expetitur, morbo & paroxysmo declinantibus potissimum decernendum.

Ergo febris balneum.

Propugnabat IOANNES BOVRGEOIS Parisinus, anno R. H. 1616.

DOMINI DOCTORES DISPVATAVRI.

M. Joannes Cousin M. R.
M. Hieronimus Goulu, Prof. Reg.
M. Symphorianus Hautin.

M. Henricus Blacoud M. R.
M. Gabriel Biart.
M. Joannes Degorri M. R.

M. Georgius Arbault.
M. Nicolaus Ellain.
M. Guillelmus de Baillon.

